



বীমা উন্নয়ন ও নিয়ন্ত্রণ কর্তৃপক্ষ

৩৭/এ, দিলকুশা বা/এ, ঢাকা
আইন/বিধি/প্রবিধান প্রণয়ন শাখা
আইন অনুবিভাগ
www.idra.org.bd

স্মারক নং- ৫৩.০৩.০০০০.০৭৫.০২২.০১১.১৮-৪৯

০৯ মে, ২০১৮

বিজ্ঞপ্তি

বিষয়ঃ খসড়া প্রবিধানমালার বিষয়ে মতামত প্রদান প্রসঙ্গে।

সকলের সদয় অবগতির জন্য জানানো যাচ্ছে যে বীমা উন্নয়ন ও নিয়ন্ত্রণ কর্তৃপক্ষ কর্তৃক প্রস্তুতকৃত বীমা জরিপকারীদের কর্তব্য ও দায়িত্ব এবং আচরণবিধি প্রবিধানমালা, ২০১৮ এর খসড়া বীমা উন্নয়ন ও নিয়ন্ত্রণ কর্তৃপক্ষের নিজস্ব ওয়েবসাইটে আপলোড করা হয়েছে —> (www.idra.org.bd) Latest News। উক্ত খসড়া প্রবিধানের বিষয়ে আপনার সুচিন্তিত মতামত আগামী ১৫ দিনের মধ্যে ই-মেইলে (aindept.idra@gmail.com) অথবা বীমা উন্নয়ন ও নিয়ন্ত্রণ কর্তৃপক্ষ বরাবর হার্ডকপি প্রেরণের জন্য অনুরোধ করা হলো।

উল্লেখ্য নির্ধারিত সময়ের মধ্যে খসড়া প্রবিধানের বিষয়ে বিশেষজ্ঞগণ এবং সর্বসাধারণও মতামত প্রদান করতে পারবেন।

(ড. মহাঃ বশিরুল আলম)
পরিচালক (যুগ্মসচিব)

সদয় অবগতি ও কার্যার্থে বিতরণ (জ্যেষ্ঠতার ভিত্তিতে নয়):

- ১। সিনিয়র সচিব, আর্থিক প্রতিষ্ঠান বিভাগ, অর্থ মন্ত্রণালয়।
- ২। ব্যবস্থাপনা পরিচালক, জীবন বীমা কর্পোরেশন, সাধারণ বীমা কর্পোরেশন।
- ৩। প্রেসিডেন্ট, বাংলাদেশ ইন্স্যুরেন্স এসোসিয়েশন।
- ৪। জনাব মোঃ সাঈদ কুতুব, উপ-সচিব (আর্থিক প্রতিষ্ঠান বিভাগ, অর্থ মন্ত্রণালয়)
- ৫। প্রেসিডেন্ট, বাংলাদেশ ইন্স্যুরেন্স ফোরাম।
- ৬। মুখ্য নির্বাহী কর্মকর্তা (লাইফ): আলফা ইসলামী লাইফ ইন্স্যুরেন্স লিঃ/বায়রা লাইফ ইন্স্যুরেন্স কোঃ লিঃ/বেস্ট লাইফ ইন্স্যুরেন্স লিঃ/চার্টার্ড লাইফ ইন্স্যুরেন্স কোঃ লিঃ/ডেল্টা লাইফ ইন্স্যুরেন্স কোঃ লিঃ/ডায়মন্ড লাইফ ইন্স্যুরেন্স কোঃ লিঃ/ফারিস্ট ইসলামী লাইফ ইন্স্যুরেন্স কোঃ লিঃ/গোল্ডেন লাইফ ইন্স্যুরেন্স লিঃ/গার্ডিয়ান লাইফ ইন্স্যুরেন্স লিঃ/হোমল্যান্ড লাইফ ইন্স্যুরেন্স কোঃ লিঃ/যমুনা লাইফ ইন্স্যুরেন্স কোঃ লিঃ/লাইফ ইন্স্যুরেন্স কর্পোরেশন অব বাংলাদেশ লিঃ/মেঘনা লাইফ ইন্স্যুরেন্স কোঃ লিঃ/মার্কেটাইল ইসলামী লাইফ ইন্স্যুরেন্স লিঃ/মেটলাইফ/ন্যাশনাল লাইফ ইন্স্যুরেন্স কোঃ লিঃ/এনআরবি গ্লোবাল লাইফ ইন্স্যুরেন্স কোঃ লিঃ/পদ্মা ইসলামী লাইফ ইন্স্যুরেন্স কোঃ লিঃ/প্রগতি লাইফ ইন্স্যুরেন্স লিঃ/পপুলার লাইফ ইন্স্যুরেন্স কোঃ লিঃ/প্রাইম ইসলামী লাইফ ইন্স্যুরেন্স লিঃ/প্রসিডি লাইফ ইন্স্যুরেন্স কোঃ লিঃ/প্রোটেক্টিভ ইসলামী লাইফ ইন্স্যুরেন্স লিঃ/বুগালী লাইফ ইন্স্যুরেন্স কোঃ লিঃ/সন্ধানী লাইফ ইন্স্যুরেন্স কোঃ লিঃ/স্বদেশ লাইফ ইন্স্যুরেন্স কোঃ লিঃ/সোনালী লাইফ ইন্স্যুরেন্স কোঃ লিঃ/সানফাওয়ার লাইফ ইন্স্যুরেন্স কোঃ লিঃ/সানলাইফ ইন্স্যুরেন্স কোঃ লিঃ/ট্রাস্ট ইসলামী লাইফ ইন্স্যুরেন্স লিঃ/জেনিথ ইসলামী লাইফ ইন্স্যুরেন্স লিঃ।
- ৭। মুখ্য নির্বাহী কর্মকর্তা (নন-লাইফ): অগ্রণী ইন্স্যুরেন্স কোঃ লিঃ/এশিয়া ইন্স্যুরেন্স লিঃ/এশিয়া প্যাসিফিক জেনারেল ইন্স্যুরেন্স কোঃ লিঃ/বাংলাদেশ কো-অপারেটিভ ইন্স্যুরেন্স লিঃ/বাংলাদেশ জেনারেল ইন্স্যুরেন্স কোঃ লিঃ/বাংলাদেশ ন্যাশনাল ইন্স্যুরেন্স কোঃ লিঃ/সেন্ট্রাল ইন্স্যুরেন্স কোঃ লিঃ/সিটি জেনারেল ইন্স্যুরেন্স কোঃ লিঃ/কন্টিনেন্টাল ইন্স্যুরেন্স লিঃ/ক্রিস্টাল ইন্স্যুরেন্স কোঃ লিঃ/দেশ জেনারেল ইন্স্যুরেন্স কোঃ লিঃ/ঢাকা ইন্স্যুরেন্স লিঃ/ইন্টল্যান্ড ইন্স্যুরেন্স কোঃ লিঃ/ইন্টার্ন ইন্স্যুরেন্স কোঃ লিঃ/এক্সপ্রেস ইন্স্যুরেন্স লিঃ/ফেডারেল ইন্স্যুরেন্স কোঃ লিঃ/গ্লোবাল ইন্স্যুরেন্স লিঃ/গ্রীন ডেল্টা ইন্স্যুরেন্স কোঃ লিঃ/ইসলামী কমার্শিয়াল ইন্স্যুরেন্স কোঃ লিঃ/ইসলামী ইন্স্যুরেন্স কোঃ লিঃ/জেনতা ইন্স্যুরেন্স কোঃ লিঃ/কর্ণফুলী ইন্স্যুরেন্স কোঃ লিঃ/মেঘনা ইন্স্যুরেন্স কোঃ লিঃ/মার্কেটাইল ইন্স্যুরেন্স কোঃ লিঃ/নিটল ইন্স্যুরেন্স কোঃ লিঃ/নর্দার্ন জেনারেল ইন্স্যুরেন্স কোঃ লিঃ/প্যারামাউন্ট ইন্স্যুরেন্স কোঃ লিঃ/পিপলস ইন্স্যুরেন্স কোঃ লিঃ/ফিনিক্স ইন্স্যুরেন্স কোঃ লিঃ/পাইওনিয়ার ইন্স্যুরেন্স কোঃ লিঃ/প্রগতি ইন্স্যুরেন্স কোঃ লিঃ/প্রাইম ইন্স্যুরেন্স কোঃ লিঃ/প্রভাতী ইন্স্যুরেন্স কোঃ লিঃ/পূর্বী জেনারেল ইন্স্যুরেন্স কোঃ লিঃ/রিলায়েন্স ইন্স্যুরেন্স লিঃ/রিপাবলিক ইন্স্যুরেন্স কোঃ লিঃ/বুগালী ইন্স্যুরেন্স কোঃ লিঃ/সেনা কল্যাণ ইন্স্যুরেন্স কোঃ লিঃ/সিকদার ইন্স্যুরেন্স কোঃ লিঃ/সোনার বাংলা ইন্স্যুরেন্স লিঃ/স্ট্যান্ডার্ড ইন্স্যুরেন্স লিঃ/সাউথ এশিয়া ইন্স্যুরেন্স কোঃ লিঃ/তাকাফুল ইসলামী ইন্স্যুরেন্স লিঃ/ইউনিয়ন ইন্স্যুরেন্স কোঃ লিঃ/ইউনাইটেড ইন্স্যুরেন্স কোঃ লিঃ।

বীমা জরিপকারীদের কর্তব্য ও দায়িত্ব এবং আচরণবিধি প্রবিধানমালা, ২০১৮

বীমা আইন, ২০১০ (২০১০ সালের ১৩ নং আইন) এর ধারা ১৪৮ এবং ধারা ১২৭ এর দফা (৯) এ প্রদত্ত ক্ষমতাবলে কর্তৃপক্ষ সরকারের পূর্বানুমোদনক্রমে, নিম্নরূপ প্রবিধানমালা প্রণয়ন করিল, যথা :-

১। শিরোনাম ও প্রবর্তন।- (১) এই প্রবিধানমালা বীমা জরিপকারীদের কর্তব্য ও দায়িত্ব এবং আচরণবিধি প্রবিধানমালা, ২০১৮ নামে অভিহিত হইবে।

(২) ইহা অবিলম্বে কার্যকর হইবে।

২। সংজ্ঞা।- (১) বিষয় বা প্রসঙ্গের পরিপন্থী কোন কিছু না থাকিলে, এই প্রবিধানমালায় –

(ক) ‘আইন’ অর্থ বীমা আইন, ২০১০ (২০১০ সনের ১৩ নং আইন)।

(খ) ‘কর্তৃপক্ষ’ অর্থ বীমা আইন, ২০১০ এর ধারা ২ এর দফা (১০) এ সংজ্ঞায়িত কর্তৃপক্ষ।

(গ) ‘জরিপকারী এবং ক্ষতি নির্ধারক’ অর্থ বীমা জরিপকারীদের লাইসেন্স প্রদান বিধিমালা, ২০১৮ এর বিধান মোতাবেক নন-লাইফ ইন্স্যুরেন্সের চুক্তির অধীনে বীমাকৃত কোন পণ্য, সম্পত্তি বা স্বার্থের কোন জরিপ এবং ক্ষতি নির্ধারণ করার নিমিত্তে কর্তৃপক্ষ থেকে লাইসেন্স প্রাপ্ত ব্যক্তি বা প্রতিষ্ঠান।

(২) এই প্রবিধানমালায় ব্যবহৃত যেই সকল শব্দ বা অভিব্যক্তির সংজ্ঞা দেওয়া হয় নাই সেই সকল শব্দ বা অভিব্যক্তি বীমা আইন, ২০১০ (২০১০ সালের ১৩ নং আইন), অথবা বীমা উন্নয়ন ও নিয়ন্ত্রণ কর্তৃপক্ষ আইন, ২০১০ (২০১০ সালের ১২ নং আইন) এ যেই অর্থে ব্যবহৃত হইয়াছে সেই অর্থে প্রযোজ্য হইবে।

৩। জরিপকারী এবং ক্ষতি নির্ধারক এর কর্তব্য ও দায়িত্ব : (১) জরিপকারী এবং ক্ষতি নির্ধারক নন-লাইফ ইন্স্যুরেন্সের চুক্তির অধীনে বীমাকৃত কোন পণ্য, সম্পত্তি বা স্বার্থের উদ্ভূত ক্ষতি নির্ধারণের লক্ষ্যে তদন্ত, পরিমাপ ও যাচাইয়ে জরিপ কার্যকালের অধিকাংশ সময় প্রদানসহ কর্মদক্ষতা, বাস্তবানুগতা এবং পেশাদারিত্ব ও আচরণবিধি কঠোরভাবে অনুসরণে সততার সাথে জরিপ কার্যসম্পাদন করিয়া প্রতিবেদন প্রেরণ করিবে।

(২) জরিপকারী এবং ক্ষতি নির্ধারক জরিপ কাজ সম্পাদনের ক্ষেত্রে নিম্নবর্ণিত কর্তব্য এবং দায়িত্ব পালন করিবে : -

- (ক) জরিপকারী এবং ক্ষতি নির্ধারকের সাথে বীমাকারী বা বীমাগ্রহীতার কোন ধরনের সম্পর্ক যেমন, আত্মীয়স্বজন, বন্ধুবান্ধব, ব্যবসায়িক অংশীদার এবং বস্তুগত অংশীদারিত্ব ইত্যাদি থাকিলে জরিপ প্রতিবেদনে তা প্রকাশ করিতে হইবে;
- (খ) বীমাকারীর দায় এবং বীমাগ্রহীতার দাবি বিষয়ের গোপনীয়তা এবং নিরপেক্ষতা বজায় রাখিতে হইবে;
- (গ) বীমাকৃত সম্পত্তির ক্ষতি নিরূপনে কোন ধরনের প্রশ্ন বা সন্দেহের প্রতীয়মান হইলে তাহা সমাধানের লক্ষ্যে জরিপকারী এবং ক্ষতি নির্ধারককে সরেজমিনে সম্পত্তি পরিদর্শন ও প্রয়োজনে একাধিকবার পরিদর্শন কার্য পরিচালনা করিতে হইবে;
- (ঘ) ক্ষতির পরিমাণ, মালিকানাধীন প্রকৃতি এবং বীমা দাবী বিলম্বে পরিশোধের সুদ গণনাসহ ক্ষতির সার্বিক পরিস্থিতির উপর পরীক্ষা, অনুসন্ধান, তদন্ত ও যাচাই করিতে হইবে ;
- (ঙ) বীমার অধীনে দাবীর অধিকার এবং অন্য কোন সম্পর্কিত বিষয়ের উপর মন্তব্যের জন্য সরেজমিন এবং চূড়ান্ত জরিপ পরিচালনা করিতে হইবে;
- (চ) ক্ষতির পরিমাপ নির্ধারণ পূর্বক বিবরণ প্রদান করিতে হইবে;
- (ছ) ক্ষতিপূরণের হার, ক্ষতি নিয়ন্ত্রণ এবং নিরাপত্তা ব্যবস্থা সম্পর্কে জরিপ প্রতিবেদনে উল্লেখ করিতে হইবে;
- (জ) পলিসি দলিলের শব্দভান্ডারে কোন বিচ্যুতি পরিলক্ষিত হইলে তাহা উল্লেখ করিতে হইবে;

